



**EXPEDIENTE 2100/2021**

**RESOLUCIÓN DE ALCALDÍA**

**CONVOCATORIA**

**I MOSTRA CREATIVA DO BAIXO MIÑO**

Esta iniciativa, que xurde da colaboración do Concello da Guarda e Acontravento (marca de roupa local), pretende impulsar e dar visibilidade a gran cantidade de marcas e talentos creativos que temos na nosa localidade, pero tamén en toda a comarca do Baixo Miño, xa sexan de artesanía ou en formas mais modernas de expresión.

A Mostra ten como obxectivos o apoio do talento creador da nosa comarca e o fomento do consumo responsable e de proximidade, ao mesmo tempo que se propicia un lugar de encontro que permita a cooperación e colaboración entre as persoas responsables dos diferentes proxectos que participen da mesma.

A solicitude de participación na Mostra estará aberta a todas aquelas persoas que desexen presentar e/ou dar visibilidade ao seu proxecto,

Por todo o exposto ACORDO:

1º. Aprobar a convocatoria I MOSTRA CREATIVA DO BAIXO MIÑO do concello da Guarda de acordo cas seguintes:

### **BASES**

1ª.- A Mostra terá lugar o día 31 de Xullo de 2021, na praza de Avelino Vicente, na Guarda (Pontevedra). O horario será de mañá de 10.00h a 15.30h e de tarde de 18.30h a 22.00h.

2ª.- Os proxectos participantes deberán pertencer a persoas deseñadoras, marcas ou artesáns que teñan a súa sede social no Baixo Miño (A Guarda, O Rosal, Oia, Tomiño e Tui). Non poderán participar aqueles proxectos adicados á venda de comida e bebida.

3ª.- Só se poderán mostrar creacións das propias persoas participantes.





4ª.- As persoas participantes deberán manter o posto montado durante todo o día. Durante o descanso, persoal da organización ocuparase da vixilancia dos postos.

5ª.- A inscrición é gratuita, sendo aceptados os proxectos por orde de entrada e previa confirmación por parte da organización en función do grao de cumprimento das bases da presente convocatoria.

6ª.- O número estimado de participantes será de 20, estando esta cifra suxeita a variacións por parte da organización por motivos sanitarios ou loxísticos.

7ª.- A data límite de inscrición será o xoves 29 de xullo.

8ª. - Cada participante é responsable de levar o seu posto e de montalo, debendo informar sobre as dimensións e os elementos que o conformarán, por cuestións de distribución dos espazos. Dimensión máxima do espazo a ocupar 3x3m.

9ª. - Poderase compartir o mesmo posto por dous ou máis proxectos, sempre e cando ocupen o espazo máximo estipulado. No caso de compartir posto, cada proxecto deberá presentar a súa ficha de xeito individual indicando no apartado correspondente con quen comparte o posto.

10ª.- O horario para descargar e montar o día 31 de xullo será de 8:30 a 9:45h, e para a recollida de 22.00h a 23.00h, estando pechado o tráfico de vehículos durante as horas da mostra.

11ª.- Para a inscrición deberase enviar un correo electrónico a [info@acontravento.gal](mailto:info@acontravento.gal) coa ficha de inscrición cuberta e fotografías dos produtos ou servizos ofertados para a promoción en redes, así como o logotipo do proxecto.

12ª.- O martes 27 de xullo de 2021 ás 20.00h celebrarase no Concello da Guarda unha reunión informativa previa á Mostra na que se solucionarán dúbidas e se ultimarán os preparativos.

13ª.- Todo participante deberá cumprir coa normativa sanitaria vixente e contar con xel hidroalcohólico no seu posto.

A Guarda, a 19 de xullo de 2021

O Alcalde

Asdo. Antonio Lomba Baz



